



Terenga 6: Hōtaka 1 – A me te O

He Mihi

Kei ngā reo pāorooro o ngā pari kārangaranga, puta noa i Te Ika a Māui, i Te Waipounamu, whiti atu ki Rēkohu, nau mai rā ki tēnei terenga hou o Ako. E tukuna tonuhia ana ngā akoranga reo ki roto ki ō koutou kāinga tuatinitini me kore noa e hoki mai te reo o tūnohunu mā ki ō tātou arero.

Hei Mahi Whakarongo

Ehara i te mea he tūponotanga te kaikōrero tuatahi mō tēnei terenga hou. Ko tōna momo, me uaua ka kitea i ēnei wā nei. He koroua hūmārie, hīanga, matatau anō hoki ki ngā kaupapa maha. Ko wai atu hoki? Ko Te Wharehuia. Anei ngā pātai hei whakautu mā koutou:

- 1) He aha te raupapatanga o te mana o ngā momo kāri?
- 2) I whakatauritehia ngā hāte ki a wai?
- 3) He aha te tauaro o te 'whakahihī'?

Kia whakarongo ake tātou ki te reo waitī o te kauati o Ngāi Tūhoe, o Wharehuia Milroy.

He Whakamārama

He kaupapa whakararuraru tonu tēnei i ētehi kaikōrero o te reo Māori, he nui nō ngā āhuatanga hei maumahara, hei whakaaro ake mā te tangata i mua i te putanga o ngā kōrero i tana waha.

Ko tētehi o ngā kaupapa matua o te A me te O he whakaatu i te hononga i waenga i ngā mea e rua (ehara i te mea he tangata tētehi o aua mea). He rerekē te hononga i waenga i a māua ko tupuna tēnā i te hononga i waenga i māua ko taku pene. Kua whakawhāitihia ngā mea katoa ki raro i te karangatanga A me te O, heoi kei te āhua o te horopaki o te hononga te whakatau whakamautunga. Hei tauira:

- Arā ngā tamariki a Hēni. (Nā Hēni ngā tamariki > Tautetanga > A)
- Arā ngā tamariki o te whānau. (He wāhanga ngā tamariki nō te whānau > Wāhanga > O)

E waru ngā Kawekawe O te Wheke

- | | | | |
|--------------|--------------|----------------|-------------|
| 1. Waka | 2. Wāhanga | 3. Whakarākei | 4. Whakaora |
| 5. Whakaahua | 6. Whanaunga | 7. Whakaruruha | 8. Wāhi |

He

Hangarau

Rorohiko

Pukapuka

Kaupapa

Waea

Pūrere

Kura

Kai

āporo

huawhenua

waireka

inu

hākari

Te

Tautetanga

ākonga

tamariki

wahine/tāne/ipo

Kaimahi

Mōkai

Mokopuna

Mahi

waiata


kōrero

whakarite

kite

haere

He Mahi Ī-papa



Tuhia he rerenga kōrero e puta ai ngā pūriro e rua kei runga i te Īpapa.

Hei Mahi

Whakakāia ngā āputa kei raro iho nei:

1. He nui ngā tamariki _____ te kura rā.
2. Whakarongo te tangi _____ te pere.
3. Mā runga i te waka _____ Pare tātou haere ai.
4. Nau mai i runga i te kaupapa _____ te rā.
5. E 40 te pakeke o te tāne _____ Mere.
6. Whakarongo ki te karanga _____ te kuia.
7. Tīkina ngā mōhiti _____ tō pāpā.

Whakautu :

Mahi Īpapa: *Me whai tātou i ngā tapuwae o ō tātou tūpuna.*

Hei Mahi:

1. o (wāhanga)
2. o (wāhanga)
3. o (waka)
4. o (wāhanga)
5. a (tautetanga)
6. a (mahi)
7. o (whakarākei)